

木星在春季占

木星

朱文公曰

歲星為福其占在春

宋志曰

歲星乃少陽發揮之官位居
正卯與太歲更為表裏名曰
歲星主福德東方故春占之

木星在春變色白無光占

朱文公曰

白無光風雨總至

宋志曰

春行秋令則歲星變色而無光人有疫癘風暴雨總至主藜莠蓬蒿竝興國當大水寒氣總至寇戎來征天多陰沉淫雨大降兵革竝起也

木星在春變色赤占

朱文公曰

赤有角早暖早臻

宋志曰

春行夏令則星變赤而有芒角雨水不時草木早落國將有恐大早暖氣早來蟲螟為害人多疫癘時雨不降小麥不收

木星在春變色黑占




朱文公曰

色黑有非時之冷

宋志曰

春行冬令則星乃變黑而水
滂為災雪霜火降首種不成
陽氣不勝民多相掠寒氣時
發草木皆肅

木星在春青色占



朱文公曰

色青為應候之溫

宋志曰

色青為應候之溫如是本色
其體潤澤有芒氣皆為福慶

木星在春初出小而後大占

朱文公曰

初出小而日益大國利之本

宋志曰

初出小而日益大所居國利

木星

木星

木星初出大而後小占

朱文公曰

初出大而日漸小國耗之因

木星

星

木星去其舍而所去占

朱文公曰

去其舍而所去之國為兵為
飢失地之害之他舍而所之
之地為慶為樂得地之忻

宋志曰

歲星去其舍而之他舍所去
之國為兵為飢為凶為失地
所居之國為慶為樂為昌為
得地

木星未當居而居占


朱文公曰

未當居而居當去而不去者
皆為福慶

宋志曰

若未當居而居當去而不去
既已去之復還而居之皆為
有福

木星未當去而去占



朱文公曰

未當去而去當居而不居者其國凶也


宋志曰

當居而不居未當去而去既不居之又復去之在左右搖其國凶

石申曰

其國人主有憂也左傳曰魯襄八二十八年歲之在星紀而經於玄枵梓慎曰今茲宋鄭皆飢歲在星紀而經于玄枵為蛇乘龍宋鄭之星也宋鄭必飢玄枵虛中也枵耗名也土虛而民耗不飢何為鄭禘竈曰今茲周王及楚子皆將死歲星棄其次而旅於明年之次以害鳥帑周楚惡之冬十二月甲寅周王崩乙未楚子昭平宋鄭皆飢則梓慎禘竈之占皆有驗也

木星所衝之方占



朱文公曰


所衝之方乃有殃咎所在之

國可以伐人

宋志曰

盈縮以其舍分所在國有厚德也五穀豐昌人不可伐可以伐人其對為衝乃有殃

木星自暈占




朱文公曰

若自暈則為喪事

甘德曰

木星自生暈者則有喪事

木星晝見與日爭光占




朱文公曰

其晝見則為強臣

傳曰

晝見為強臣占曰歲星晝見與日爭光文弱武強

火星在夏季占



火星


朱文公曰

熒惑主罰于時為夏

宋志曰

熒惑乃火之精為視且以審
理之道必有審于視聽不法
皆自熒惑變生聖人因而名
之營惑一曰罰星主糾察南
方屬火故夏占之

火星在夏變色青占



火星

朱文公曰

色青而變者暴風損苗

宋志曰

夏行春令則星色青而變蝗
蟲為災暴風來格秀草不實
五穀晚熟百蟲時起其國乃
亂

火星在夏變色白占



朱文公曰

色白而昧者苦兩傷稼

宋志曰

夏行秋令則其星色白而昧
苦兩數來五穀不榮草木零
落果實早成民殃于疫

火星在夏變色黑占


朱文公曰

色黑則電凍變生

宋志曰

夏行冬令則其星色黑而芒
草木早枯水敗城廓電凍傷
五穀暴兵來

火星在夏旺色赤占




朱文公曰

色赤則赫曦施化

宋志曰

色赤則赫曦施化依其本體
旺者皆為福昌

火星在夏赤如炬火占



朱文公曰

赤如炬火兵喪因亂臣小人
而生

開元占曰

熒惑色赤如炬火小人撓搶
不有亂臣則有大喪兵大起
先起者亡後起者昌

火星在夏火度吐舌占

朱文公曰

火度吐舌旱火從宮殿高臺而發

開元占曰

熒惑火度或吐舌所以戒人君也不救則大旱火火燔燒宮殿追祿功能爵賢任德養幼孤恤寡則熒惑還度而天心得矣

火星

火星在夏季逆行二舍餘占


朱文公曰

逆行二舍之餘或火焚或有女灾

開元占曰

熒惑逆行二舍半有大灾一曰有女灾一曰有大水

火星留以庚辛之日占




朱文公曰

留以庚辛之日有大喪而有戰伐

開元占曰

熒惑若以庚辛之日留者天下有大喪及有兵

火星晝見自暈占



朱文公曰

晝見自暈臣謀背于君王

開元占曰

晝見臣謀主自暈大臣背其主

火星旬已還繞逆行占



朱文公曰

燒跡成旬大凶旱飢兵迫

天文廣要曰

火星逆行若復跡名曰燒跡

大凶旱飢兵敗國亡若不復

跡名曰旬已亦為凶甚

火星在夏季若反明占

朱文公曰

若反明者為備為主惡

宋志曰

若反明則為水備而西至

天官書曰

火星當出東方其出西方曰

反明主命者惡之

開元占曰

火出西方逆行是謂反明天

曰入西方反出為反明天下

更主

火星光明如正旗占



朱文公曰

有正旗也為軍破將殺

開元占曰

熒惑芒為正旗所指有破軍
殺將順正旗而伐之大勝

火星當入不入占




朱文公曰

當入不入所在宿其國有殃

開元占曰

當入不入國有殃

火星當出不出占



朱文公曰


當出不出所宿國民流兵疫

開元占曰

當出不出天下有兵民多流

亡

土星在夏季占



朱文公曰

填星主德占為夏季迹陳於

外而兆發於中居四方之中

戊己之位萬物因之以生四

氣據之而例故星之名曰填

主德厚安危存亡之機以其

屬土之行而動靜吉凶占於

夏季

土星在夏季變色白占

朱文公曰

變白則水滯不收

宋志曰

夏季行秋令則填星乃變白
主兵濕水滯禾稼不熟乃多
女灾之應



土星

土星在夏季行春令占

朱文公曰

變青則國多風雨

宋志曰

夏行春令則其星變色青無
芒角五穀實鮮落故多風人
乃遷徙



土星

土星在夏季行冬令占



土星

朱文公曰

色黑為風寒不時

宋志曰

夏季行冬令則其星變色黑
風寒不時鷹隼早鷺四鄙入
堡

土星在夏季旺色黃占



土星


朱文公曰

色黃為溽蒸當位

宋志曰

皆為福慶

土星四季失色占




朱文曰

春不青夏不赤秋不白冬不黑竝為女后有憂

宋志曰

失色而角為憂

土星四季旺占




朱文公曰

春色青夏色赤秋色白冬色黑皆為女主有喜

宋志曰

依時則女后喜

土星白而潤芒占



土星

朱文公曰


白而潤芒角子孫立王之慶

宋志曰

潤白而芒白有子孫立王之

慶

土星在夏季色黃大無光占



土星

朱文公曰

黃而光耀更宮室土功之役


宋志曰

若土星色黃而光耀更宮室

而土功興又曰色黃無光女

后恣又為忿爭之事

土星自生暈占




朱文公曰

如自暈亦為土功

宋志曰

自暈為土功

土星生芒角占




朱文公曰

若芒角則有爭地

宋志曰

若芒角則有爭地或旱

土星色白素占




朱文公曰

色白則素服將集

宋志曰

色白者有素服天下不安

土星餌魚色黃占




朱文公曰

餌魚則黃帝將起

宋志曰

黃帝則起填星餌魚謂氣如魚形在填星旁也

金星在秋季占




朱文公曰

太白兵候占之素秋帝主生成故為之將觀象察法因為名

宋志曰

太白其位當有少陰用事之際萬物成實之秋帝主故為之將大者大將軍之麾白者金精之色觀象察法因此為名太白進退以候兵高卑遲速靜躁見伏用兵皆象之吉故以秋占

金星在秋季行春令占



朱文公曰

青而昧者陽氣復退

宋志曰

秋行春令則其星色青而昧陽氣復還五穀無實秋雨不降草木不榮暖風未至人氣懈惰

金星在秋季行冬令占



朱文公曰

黑而角者雷乃先收

宋志曰

秋行冬令則其星色黑大而
芒角陰氣大盛介蟲敗穀戎
兵乃來風灾數起收雷先行
國多盜賊邊境不寧土地分
裂

金星在秋季行夏令占


朱文公曰

色赤則其國旱暖

宋志曰

秋行夏令則其星色赤而怒
國多火灾寒熱不節其國乃
旱蟄蟲不藏五穀復生其國
大水冬藏殃敗矣

金星在秋季旺色占




朱文公曰

色白則其令蕭颯

宋志曰

秋季色旺體大色白則其令蕭颯如是色也故占之吉

金星初出大而後小占




朱文公曰

初出大而後小者兵弱之愁

宋志曰

初出大而後小者兵弱而怒初出小而後大者兵弱有喜

金星失行占



金星

朱文公曰

失行在東中周地敗之兆失行在西夷狄敗之由


宋志曰

其出而失行西方夷狄敗失行東方中國
敗出卯酉南勝出卯酉北勝正在卯
東國利正在酉西國利其出西維東南
西南若在日月之陽陽國出在其陰
吉東北則匈奴有兵相攻

荊州占曰

太白出西方常在申酉之間失行而在
北謂及生不有破軍必有屠城之驗

金星當入不入當出不出占



金星


朱文公曰

失舍則為破軍而亡國

宋志曰

當出不出當入不入是謂失
舍為敗軍亡地傳曰不有破
軍必有亡國占曰當出不出
當入不入天下偃兵在外而
未當出而出未當入而入天
下兵起亡地一曰天下兵起
有破軍

金星經天已午未位占



朱文公曰

經天則為革命而民流

天文志曰

太白少陰曰弱不得專行故以己未位至界昏欲至未而遲旦欲至己則疾不合在于見見則經天若經天天下變是謂亂紀人衆流亡天下兵革


晉書曰

太白經天天下兵革民更主

晉灼曰

日陽也日出後則星亡晝見于上為經天

金星行盈縮曆占



朱文公曰

行縮后族之患行盈將相之謀

宋志曰

夏至後日方南而居其南冬至後日方北而居其北曰盈侯王不寧用兵進吉退凶日方南而居其北日方北而居其南曰縮侯王有憂用兵退吉進凶出黃北伏兵起元命包曰盈則將謀縮則后族患

金星出高深占



朱文公曰

出高深入乃吉出卑淺入無憂

宋志曰

出高用兵深吉淺凶出卑用兵淺吉深凶

金星行疾行遲占




朱文公曰

行疾則速戰行遲則可留

宋志曰

用兵之時以象之行疾則疾行行遲則遲行有角敢戰則吉動搖躁則躁靜則靜順角所指者吉反之則凶

金星出西方占



朱文公曰

出西方為刑右之背之而得


吉

宋志曰

出西方為刑舉事右之背之

吉

金星出東方占



朱文公曰

出東方為德左之迎之而獲


休

宋志曰

出東方為德左之迎之吉反

之則凶

金星自生暈占




朱文公曰

自暈則天下大赦為有兵而有喜

開元占曰

自暈則天下大赦有兵則喜

金星晝見與日爭光占




朱文公曰

晝見則兵喪竝起為強后而強侯

宋志曰

晝見與日爭光大國弱小國強女后昌司馬彪曰為強臣
荊州占曰
兵大起

金星色赤焱然占




朱文公曰

焱然而上兵起滿野焱然而
下流血盈溝

宋志曰

其狀焱然而上有大兵起焱
然而下當有天狗所下其野
流血

金星光明見影占



朱文公曰

光明見影者歲豐戰勝體小
而昧者國敗軍憂

宋志曰

若光明見影者戰勝體小而
昧者軍敗國憂

水星在冬季旺占

水星

朱文公曰

辰星執刑于時為冬

宋志曰

辰星乃水之精其位當子得太陰之氣而四象之終易有幽明之說原始反終即其義也故冬占之

水星在冬季行春令占

水星

朱文公曰

色青則凍閉不密

宋志曰

冬行春令則其星色青凍氣不密地氣上泄民多流亡蟲蝗為敗水泉咸竭人多疥癩胎妖多傷國多瘡病

水星在冬季行夏令占

朱文公曰

色赤則流水不冰

宋志曰

冬行夏令則其星色赤而昧
國多暴風方冬不寒蟄蟲復
出其國乃旱氛氣冥冥雷乃
發聲水滂為敗時雪不降凍

冰稍釋

水星

水星存冬季行秋令占

朱文公曰

色白則冰雪雜下

宋志曰

冬行秋令則其星色白大而
不明霜雪不時小兵時起地
土侵削冰雪雜下瓜瓠不成
國有大兵白露早降介蟲為
妖四鄙入堡

水星

水星在冬季旺占

水星

朱文公曰

色黑則寒氣嚴凝有軍於野
占為偏將無軍於野占為去
刑

宋志曰

水星于冬旺黑色如是色也
主吉有軍于野辰星為偏將
之象無軍于野辰星為法刑
之象

水星不以時而出占

水星

朱文公曰

不效之國為水旱刑政俱失
所在之分有權智為主用兵


宋志曰

若政刑失簡宗廟廢祀不以
時出當寒反溫當溫反寒

荊州占曰

刑罰不中辰星不以時出當
水反旱當旱反水所在之分
有權智者為主用兵

水星當入不入占




朱文公曰

當入不入號令廢而法令失

宋志曰

當入不入為失法律

水星當出不出占



朱文公曰

當出不出兵大起而豪傑興

宋志曰

當出不出謂之擊卒兵大起

一云而豪傑發

水星與金星各在一方占

朱文公曰

與太白各在一方不戰之象

宋志曰

辰星在東方太白出西方辰星出西方太白出東方為格對或出與太白不相從野雖有軍不戰

水星

金星

水星來抵金星占

朱文公曰

抵太白太白不去將死之徵


宋志曰

辰星來抵太白太白不出將死正旗上出破軍殺將客勝不出客敗視所指以命破軍

金星

水星

金星環繞水星占




朱文公曰

若環繞若免過函釵若摩太白之右為客勝為主人吏死為數萬人之事

宋志曰

辰星環繞太白若與闔大戰客勝免過太白間可函釵小戰客勝免過去也辰星去與太白間可容一劍也若居太白前軍罷去居太白前出太白左小戰摩太白右數萬人戰主人吏死摩者光明相反傾壞敗傷也

水星出東方色赤占



朱文公曰


在東而赤者中國勝在西而赤者外國亨無軍於野而赤兵將起而欲征

宋志曰

若出東方大而白有兵于外兵解當在東方而赤中國勝在西方而赤外國利又曰無兵在外而赤兵起其與太白俱出皆赤而角若出東方中國勝出西方外國勝

水星經天晝見占

第五冊終記三十六葉



朱文公曰

晝見則其國大亂經天則天

下大凶

宋志曰

晝見則其國必亡大亂若經

天則大凶天下易主

